

Das ander Capitel.

Von dem vnderchiedenlichen Maß / so zu dem mässen gebrucht wirdt.

In dem vor vßgange Büchli hab ich vnderlassen zuschryben von dem vnderseidenlichen Maß / so dann zu dem messen gebrucht wirt. Desß will ich hie kurze meldung thun / wie es die Alten gebrucht vnd beschriben hand.

12. Zoll machen ein Werck schuch.

2. Werck schuch machen ein Eln.

3. Werck schuch für ein einfachen Schritt.

5. Werck schuch ein Geometrischen Schritt.

Ein Roslauff oder Stadium halt 125. dopleter Schritt / oder 625. Werck schuch.

Ein Wälsche Myl halt 5. Stadia oder Roslauff / das ist 1000. dopleter Schritt / oder 5000 Werck schuch.

Ein Dütsche Myl halt 4. Wälsche Myl / oder 32. Stadia / macht 4000. dopleter Schritt / vnd 20000. Werck schuch.

Die Schwyzer Mylen sind die grösten inn Dütschland / halt eine 40. Stadia oder 5000. dopleter Schritt / machen 25000. Werck schuch.

Frankösische Mylen halt eine 16. Stadia / das ist 2000. dopleter Schritt / 10000. Werck schuch.

Zwüschend den beiden Stenden oder Gemerck zu messen / mach ein Schnur die just Hundert Schuch halte / vnd allweg von Zehen zu Zehen ein Knopff gemacht werden / es soll aber ein solche Schnur zu vor wol mit Wachs bestrichen vnd darmit geriben werden / vff das sy sich in dem bruchen nit wytter vß einanderer strecke / so kan einer mit diser Schnur alles gewüß mässen vnd abtheillen.

Das